





第一〇九三册

四庫全書

●上海古籍出版社

本冊目次

華 附
古 附

陽 靈

集 錄 集 錄

宋 王 珪 撰……………一
宋 陳 襄 撰……………四九七
宋 陳 紹 夫 編……………四九七

欽定四庫全書

集部
華陽集卷一
六王

詳校官庶吉士_臣李如筠
檢討_臣何思鈞覆勘

謄錄監生_臣程永春

謄錄監生_臣張曾壇

謄錄監生_臣范維城

欽定四庫全書

集部三

華陽集

別集類二宋

提要

欽定四庫全書

華陽集

臣等謹案華陽集六十卷附錄十卷宋王珪撰珪字禹玉成都華陽人後徙舒舉慶曆二年進士第二授大理評事累官翰林學士知開封府無侍讀學士神宗時拜尚書左僕射門下侍郎哲宗即位封岐國公卒贈太師謚文恭事蹟具宋史本傳珪少擢高科以文章致位通顯不出國門而致參預大政詞人榮遇蓋罕其比晚居相位惟務持祿固寵與蔡確朋比沮司馬光復依阿時局倡興西夏之後大為物論所不予人品事業皆無可取然其文章則博瞻瓌麗自成一家計其登翰林掌文誥者幾二十年朝廷大典策皆出其手故其多而且工者以倂儷之作為最揖讓於

二宋之間可無愧色王銍謝伋陸游楊萬里等往往稱之殆非虛美其詩以富麗為主故

王直方詩話載時人有至寶丹之目以好用

金玉錦繡字也然其拔藻敷華細潤熨貼精

思鍛鍊具有鑪錘名貴之篇實復不少正不

獨葛立方方回所稱明堂慶成上元應制諸

篇為工妙獨絕矣集本一百卷諸家著錄皆

同自明以來久已湮沒僅宋文鑑文翰類選

欽定四庫全書

集部

華陽集

三

等書略載數篇今從永樂大典各韻中裒掇

排比所存詩文尚夥而內外制草為尤備其

生平高文典冊大約已罕所遺佚謹依類編

次釐為六十卷其遺聞逸事與後人評論之

語見於他書者亦詳加蒐輯別為附錄十卷

系之集末用資考核至其中有青詞密詞道

場文齋文樂語之類雖屬當時沿用之體而

究非文章正軌不可為訓今以原集所有姑

附存之而刊本則累加刪削焉乾隆四十二年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

集部

華陽集

三

欽定四庫全書

華陽集卷一

宋 王珪 撰

五言古詩

白鷺亭詩

白鷺敞西軒棟宇窮丹堦千峰若聯環翠色不可解是
時天宇曠六幕無纖靄金斗熒秋江素練橫衣帶乾坤
清且微氣象朝昏改蘆花作雪風飛舞來滄海九霄汀
鶴起萬里橋鳥快月上三山頭鳥沒橫塘外蒼茫洲渚
欽定四庫全書

來燕堂聯句

賢侯謝郡歸從遊樂吾黨林泉富餘地卜築疎陳莽是
時春正中來燕音下上若賀大厦成喜留衆賓賞樂得
名因笑談揮墨築題榜所夸賢豪盛豈止池榭廣人心
樂且閒鳥意頤而頤吟罇敞花軒醉枕酣風幌修輕雲

薄藻棟初日麗珠網紅袂生暗香清絃泛餘響林深隱

飛蓋岸曲遶去縈波光欄檻明竹氣衣巾爽注虛容涼

樾入影與文連蕩晨曉轉綠蕙夕雨滋膏壤嘉辰喜益

朋命駕期屢往觴詠陶淑真世俗豈吾傲注得以為勝

遊蕭然散煩想公子固好士世德復可像今此大基構

不圖專奉養美哉風流存來葉足師仰錄

和景葵誚扶出者

天予重論秀待之以公卿志士抱奇節猶或塲屋輕學

欽定四庫全書

能苦自琢詩書腹縱橫胡為懷袖間挾冊角聲生訶卒

闕其旁執衣來叩楹狂狙就新縛跳突哀且鳴豈不念

寒孤顧有素令明利祿非可苟辱甚捨弗烹

七言古詩

和梅聖俞感李花

朝摘桃花紅破萼暮摘李花繁滿枝客心浩蕩東風急
把酒看春能幾時舞衣未放衰絃閑鶻欲鳴花影絕
將軍白首不功名霸陵千古流青血

樓上述懷

空樓百尺江之濱
醉上凭軒懷故土
數鴻秋入衡陽雲
一帆暮過瀟湘雨
庾客傷心欲斷絃
文通別淚空橫柱
舊山幾畝林泉鄉
安得歸兮事農圃

和聖俞莫登樓

莫登樓樓外華燈入
競遊翠枝威威六素蚪
鳴梢一聲從天頭
金爐烟開雉尾收
正見月射雙瓊鈎
半峯飛泉落驚湍
嗚呼紫霧魚龍浮
絃清管高脫欲流
霜寒雛鳳

欽定四庫全書

卷一百一十五

五

丹山愁臺上美人春
風柔舞腰回急寶釵投禁街
特勅香車留簾疎的皪
排星眸畫省宵閒空翠幃
束如窮兔離新界
況驚白髮心悠悠
安復繁華事輕乘
寄言俠少誰為倚
燭醉玉樓歌始休

和永叔思白兔戲答公儀憶鶴雜言

兔自明月窟中出
鶴從羣玉峰頭下
人間俗眼未嘗窺
已為兩家藏以說
玉堂詞人本仙材
光芒偶落銀河鐔
謫向埃塵五十春
所趣無一不滿洒
為愛霜蹄特皎潔

貯以雕籠綠檀亞
有時驚蹀躞
敲若冉冉丹眸眩
轉雙珠射

靈昌太守新歸來
惜將清淚寄京舍
王繩低閣春露寒
常恐陰林惡聲嚇
傳宣忽出右銀臺
詔急許馳天廐馬
却辭丹陛鏢南宮
免鶴欲攜俱不暇
是時雪後簾幕明
燈火冷落入清夜
兩翁相顧悅有思
便索粉牋揮筆寫
有客月底吟影動
猝繼新章亦奇雅
大都吟苦不無牽
遂約東家看姪姪
醉翁良憤詆高懷
却揮醉墨幾欲罵
我聞此語初未平
隨手欲和思殊寡
玉山滄海莫放翻

欽定四庫全書

卷一百一十五

四

然歸纖腰綠鬢何妨為君倒金尊

五言律詩

送僧歸吳中

閒心輕出世
遠念起游方
漱月拋茶井
眠雲帶草堂
歸程指山色
去影背湖光
欲問重來日
孤雲未可量

送山人程惟象東歸

君來客京洛
奇術世所聞
人事固倚伏
物情徒糾紛
衣冠九門雨
夢繞故山雲
飲罷忽東去
浩歌秋日曛

梅

冷香疑到骨瓊豔幾堪餐半醉臨風折清吟拂曉觀贈
春無限意和雪不勝寒桃李有慙色枯枝試並欄

郊外

策馬陟平原天空蕩楚氛秋聲無限葉暮色幾重雲草
遠烟痕澗山迴鳥道分行行吟未已歸路日西暝

雪晴

溟渤蕩無垠東嶠掛日輪風雲始迴而天地不飛塵氣

欽定四庫全書

卷一

五

動千峯翠光浮萬瓦鱗南亭一駐馬十里望青春

題招提院靜照堂

身雖在城邑趣不落人間門外塵埃滿庭中日月閒潮
隨朝梵響而入定衣班幾欲攜筇去松陰一叩關

依韻和吳相公史院閑局

曉下金門路君廷聽召餘簪纓三壽客筆削兩朝書身
老誰逢此思深盡醉歟傳聞訪遺事應走史臣車

司馬
遺少

當乘傳求四
方諸侯遺事

依韻和王原叔內翰禁直有懷

暮鑰嚴溫省宵鈴靜浴堂銀花無奈冷

劉夢得詩銀
花懸院曉

草又還芳夢久聞仙吹班清犯曉霜帝閣何所叩一炷
祝堯香

聞邵興宗拜命

訪政鳴堯鼓旌賢走漢輪帝方驚主父人已薦平津筆
落三千健恩頒尺一新歸來前席問榮路過嚴宸

書隱者壁

欽定四庫全書

卷一

六

客路森如棘巖棲靜掩關陶巾春漬酒謝屐晚回山醉
夢雷霆息棋聲日月閒我慚櫻世網暫此一怡顏

秋風

獵桂來鍾領椒椒度漢宮雲飛汾水澗葉下洞庭空海
國檣帆壯邊城鼓角雄誰知洛陽客歸意在江東

送滕舜敷

七閩雖遠地王事有程期已試文無害定知才不羈仙
山觀日處雲海落潮時會府多休暇新詩倘見貽

有感

聞笛更懷舊，望瀉難寄音。西風行客淚，明月故人心。離恨江波潤，歸期歲景深。何時紫溪隱，尊酒起狂吟。

卽事

雲日散朝陰，清江更一臨。北堂無草積，南浦有波深。春意饒芳樹，晴光動翠岑。自慙機亦淺，勞起海鷗心。

林亭詩

地迴林泉好，乘閒會勝游。深沈烟色聚，瀟灑雨聲收。貧

欽定四庫全書

卷一百一十五

七

過揚雄宅，任思范蠡舟。寄言賞心友，巾褐此經秋。

送史寺丞赴真州六合縣

南國江山好，仍聞聚六峯。歸心急春浪，別夢悵晨鐘。

澤存遺愛，先大夫嘗守是邑民歌接舊封。涼秋鼓子楫，文酒待

相從。

夏日登望海亭詩

藻棟臨流啟，涼颼蕩暑迴。清如游玉宇，快若在蘭臺。海鷗吟中下，蕃航望次來。披襟殊未已，雲外月弦開。

金陵

賞心亭下路，平昔載歸艤。游子去何許，綠蕪春自芳。城根侵海斷，日脚射雲長。往事不堪問，東風故壘荒。

依韻恭和聖製龍圖天章閣觀三聖御書

半夜傳君召，西清閣帝文。筆回丹穴鳳，法書要錄有丹穴鳳舞清泉龍

比之歌起沛，中雲御幄金。蚪轉仙墀羽，仗分君王自天縱。況復審心勤。

依韻和王宣徽春雨

欽定四庫全書

卷一百一十五

八

春入東郊雨，油然協氣通。曉猶未破歲事，已知豐輦。鳳翔仙霧臺，烏轉瑞風。是日東風應候野農徒鼓舞，何以謝天功。

和人聞雁二首

岑寂夜將半，一聲來枕前。無風起塵籟，有月在中天。行子夢初斷，故鄉書未傳。不須聞別鶴，冷涕已潸然。塞長霜草白，天濶夜雲愁。影過空江月，聲來別枕秋。鄉音何處託，客恨幾時休。況有冥飛志，無爲弋者求。

荷葉

柄密藏溪路香清盪客襟
碧筒聊助飲紫橐自供吟
魚戲涼波動龜巢夕霧深
橫塘雙鷺急菱唱有餘音

和聖俞春雪

二月猶逢雪春寒一倍加
雲重應阻雁風橫祇愁花
碧水離思斷瓊樓醉倚斜
誰知下帷苦未曉已聞鴉

喜雪

大野重陰合危樓遠望迷
風蕪萬籟響天與四溟低
病樹先春發驚鳥未曉啼
好同伊水客香卓訪靈棲

欽定四庫全書

華陽集

九

和王景彝中丞哀病

東風吹盡省哀病若為情
自惜春將過相逡老已驚
夜愁聊把酒早夢忽聞鶯
猶喜年來事門前桃李生

富谷館

萬雀噪山館重來一叩扉
去年寒夢在今日遠書違

是日

遣仗走馬奏平
安初寄家書

殘雪留春索疎星掛曉
衣帝鄉不可望

心與白雲飛

金陵會月

疎颺水風起此宵何太清
危樓人未下獨樹烏頻驚
寒漏三更急秋江萬里橫
淒然六朝恨依舊照空城

發會同館

一持天子節茲喜去龍庭
大漠夜猶白寒山春不青
峯多常蔽日地絕欲回星
同類惟所適鳴鑪毋暫停

送人南歸

自得歸休請勞生事已平
幾年懷故隱此日悟浮榮
車騎少塵迹溪山多去情
所安清白望真可激時英

欽定四庫全書

華陽集

十

松

天地得正氣四時無易心
生來本孤節高處獨千尋
月影龍蛇動風枝蕭蕭吟
如何楓與柳亦擬傍清陰

五言排律

郊祀慶成詩二首

有宋乘災運于今邁百年
祖功雖不易子聖自能傳
寶曆迎長至神丘放大圓
靈宮千福降清廟一誠專
羣仗

鈎陳下青城斗極邊側班回衆弁虛次待高煙晦霧初
宵斷晴雲未曉鮮天形何磊落帝步亦周旋麗澤沾魚
鳥休歌被筦絃歡聲魚鼈動和氣與春連在昔開鴻業
斯民入化甄監危常稟稟受社更乾乾此日膺神筮孤
臣老禁筵願將威命頌獨奏邇英前

國重天之報神歆德所存孝須三后配禮莫一郊尊翠
羽來千仗鳴鏡下九閭服維周冕盛樂自舜韶溫未酌
犀靈降先祠萬玉華黃流凝夕裸紫焰巨宵燐星拱依
宸幄雲同護帝轅祥輝新日月佳氣浹乾坤紹古歸鴻
鏤含生濯至恩欽惟齋格至仰福在元元

欽定四庫全書

卷一百一十五

十一

大饗明堂慶成詩

皇祐更秋律明堂奉帝禋泰歲薦薦德霜露本懷親於
赫朝三后無文秩百神九筵交玉幣重屋近星辰燄
留飈御清壇望月津衣冠漢儀舊金石舜韶新受昨開
宣室鳴鐘降紫宸羣陰先伏旦協氣斗回春靈睨叢千
祝豐恩滂四垠慙非老辭筆徒學頌堯人

慶壽崇因閣次韻

崇因開寶構金碧畫相輝禁蹕隨曦馭曾城轉斗機梵
音獅子吼妙相鵠王歸洛水浮神篆天花滿御衣塔疑
從地湧棟榱入雲飛上行來今果羣迷悟昨非慧珠常
自照法雨徧成霖但起真如念梯梁即可幾

擬試置章御座詩二首

睿聽來嘉論憂勤政事昌顯顯瞻帝座謬譖置臣章語
切青規上文留黼宸傍受言初拜禹罪已忽興湯進牘

欽定四庫全書

卷一百一十五

十二

須盈几垂衣豈下堂只應千載治危諫屬忠良
君心圖治切座置直臣章密奏留中宸虛懷拱峻廊聰
明開二帝道德勸三王溫室焚初藁丹帷緝舊囊呈書
勞夜覽造膝被天光欲識憂民意忠規不可忘

采藻為旒
皇祐五年
南省擬試

端底垂君治顯昂十二旒藻文魚組爛玉氣若虹浮體
重宸居邃仁深帝視收珠光延外燭星采會中綱法服
雖周威巖廊自舜遊無為格天下涵德永孚休

題瑞芝圖

樂國芝呈瑞賢侯貳郡時甘棠方蔽芾仙草亦歲甦異種傳三秀靈華榮九枝幽陰吐光怪朽腐化神奇美政邦人頌嘉祥聖主知特書輝史策寵錫下天堦治行能如此公台到匪遜誰為燕許手洒筆播聲詩

依韻恭和聖製俯同太師文彥博玉津園賜宴席上述懷

上苑張瑤席春風萬象新誰知掛冠客曾是釣璜人感
欽定四庫全書

遇歸真主勲勞念老臣曲成雙鳳舞酒入百花醇日月恩華滿朝廷喜氣均天章照黃髮異數極君仁

喜定號

憶昨懷君詔章臺聽暮鐘人從太微下書自道山共彩鳳看飛筆長虹見吐胃寬家成行對謂對側理八牒封

謂封海濶珠難探山輝玉易攻別吟平樂賦高第唱西廡

欽定四庫全書

華陽集卷二

宋玉珪撰

七言律詩

聞种諤米脂川大捷

神兵十萬忽乘秋西磧妖氛一夕收疋馬不嘶榆塞外長城自起玉關頭

兵未進討遼人望見漢城列峙西界中

君王別繪凌烟閣將帥今輕定遠侯莫道無人能報國紅旗行去取涼州

州

欽定四庫全書

送僧惠思歸錢塘

城邑喧喧非所依忽生秋思滿巖扉晨趺未雨千花落晚渡臨風一錫飛定有魚龍窺供鉢應無塵土上禪衣寶文聖偈誰為解只恐林泉亦暫歸

冀館春夕見月

甚麗無如使牡行曾同萬里聽秋聲黃金臺下嘶宛馬木葉山前度漢旌纔到關南逢雁盡重來海上見波平故人臨月應相望一夕寒光特為明

池亭月下獨坐

遊雲銷盡月當空危坐西軒快水風往恨忽從中夜起
賞心難與故人同鼠驚琴匣聞餘響蟬度蓮塘見亂紅
星薄漏稀猶不寐寒聲通夕戰疎桐

月夜有寄

莎階切切思寒蛩爽籟潏然露氣涼半夜雲高蟾噴暈
一秋風緊桂飄香鳥驚危樹棲無定人倚空樓望更长
遙憶洞庭南去客葉翻波急駐歸艖

欽定四庫全書

華陽集
卷二

送人東歸

會稽新綬振恩輝故里人瞻畫錦歸驪馬在門歌祖席
彩絲當膝戲親聞霜天夕霽丹楓老水國秋深紫蟹肥
遠閣雲山吟有助高談終日訟笥稀

奉和敬叔弟七月十二夜胡伯恭園池對月即
事之作

小庭追涼月生衣紅葉靜對丹桂枝凌波亭亭仙佩冷
弄香嫋嫋香風吹百憂身世得一笑二妙風流此一時

關干獨夜發深省憑詩寄與心相知

遊賞心亭

六朝遺跡此空存城壓滄波到海門萬里江山來醉眼
九秋天地入吟魂于今玉樹悲歌起當日黃旗王氣昏
人事不同風物在悵然猶得對芳樽

春日郊外

十里烟郊畫景和春閒流水綠生波樓前人意望無盡
柳上風光來最多雨歇隴雲猶濛濛草薰村燕自經過
忽忽歸路迎殘照尚得桑間駐玉珂

欽定四庫全書

華陽集
卷一

雷塘晚歸

塘梢點點夕雲低蒼莽荒原望四迷海日光寒銜島樹
江湖聲暴壓城壘喬林風勁橫鵬眼淺草霜乾快馬蹄
戰血未收邊戍苦王龍誰為一提携

夜意

沈寥真澈游氛收淡河如掃凝不流影過遠水雁侵月
目斷故鄉人倚樓黃葉半林霜送曉悲筇一曲風橫秋

江南幾載未歸客燈寂帳寒心正愁

遊山寺詩

寒日征驂懶復回經宵仍喜駐巖隈徑盤幽迹遙知鹿
林透清香定有梅晚影瘦猿窺澗溜夜聲肥栗託爐灰
我心非動我非靜白足禪僧無妄猜

和元參政喜雪

千里同雲向夕繁風迎嘉雪臘前翻紫壇轉仗回馳道
玉律驚灰入奉元半夜桂花飄碧海先春柳絮撲朱門
萬方已有豐年說不惜當筵醉御樽

欽定四庫全書

華陽集
卷二

四

和石昌言舍人酬王景異學士雪霽有懷

寒雲飛斷九門深日上扶桑海氣沈初見雲端浮紫闕
忽驚塵外列瑤林芝封詔墨春生潤綺結官錢夕帶陰
官職聲名君自有何妨更絕郢中吟樂天贈楊給事落
句不用更教詩句

好折嘉官
賦足聲名

依韻和曾侍中謝二府相顧

年年常過平津館解組歸來苦未贏晚日初臨金闕動

春風正與玉盃期三公就第誰同壽丞相傳經自有兒
感舊不辭今日醉江湖思去已多時

京口遇大風

虹蜺赫奕射中天怒竅風號勢壅然雲翼扶搏彌九萬
海帆飛迅越三千鯨噓駭浪時開闔鰲負靈山或沂泂
安得琴高控雙鯉一驅靈輦靜洪淵

劉損齋主簿見示遊廣教和劉朔齋詩次韻

紅葉村邊白板扉林間剝啄愧新知離居自信難同俗
載酒何時許問奇黃藥人亡空有寺錦袍仙去更無詩
知君此日登臨意不比兒曹飽腹嬉

欽定四庫全書

華陽集
卷二

五

依韻和景異觀刑部廳燕侍郎畫山水二首

昔人曾此憐幽壁醇墨今留隱約間猶帶驚波下滄海
常迎爽氣入朝山苔文半染風霜古鳥影時過歲月閒
誰更瀟湘移雨竹滿軒疎澗翠成斑

秋曹壁上奇山水官冷尤將野趣宜翠竹忽逢行畫處
白雲相伴看多時予今絕筆誰還識當日清吟亦欠詩

猶喜一來重拂拭，慙無佳句續君辭。

余昔領州郡亦無然公山水詩

莫京甫知事有臺榭之辟賦詩識別二首

烈士思酌國士知，雲霄羽翼政相期。人言雅望臺中妙，我識壯懷天下奇。自是英才為世用，由來了事笑兒癡。回頭說向虞羅輩，鵠舉鸞鸞可得羈。

蘭生空谷混荆榛，不礙幽香到處聞。幕府才流推謝掾，宣州賓客憶崔羣。清懷疊陣三秋月，行橐雙溪一片雲。白髮書生何以報，慚君出力衛斯文。

欽定四庫全書

韓愈集卷二

六

和劉原父舍人雪霽早朝

琪樹無聲粉簫圓，岩光雙闕射雲鮮。寒交玉珮趨三殿，曉拜珠旒下九天。仙仗影翻初照月，高門塵絕欲生烟。燕餘寶陌騰歸馭，更為都人賦有年。

自述

少從客路千波轉，老入流年萬事疎。野鶴定知乘寵誤，春冰多愧踐名虛。幾思漢殿金盤露，恣閱蓬山綠字書。未報君恩成白髮，翻然江海羨吾廬。

和三司蔡君謨內翰麋猿蘆雁屏二首

麋猿未省京華見，畫筆新傳思入神。綠野春深將戲子，空山月午掛吟身。只應有夢須懷土，却為無機不避人。我愛林泉舊時景，常來此處暫相親。

江蘆初老渡新鴻，誰把高情托畫工。索索西風尉寒羽，蕭蕭殘日伴疎叢。漁舟欲下灘聲急，談麈重揮暑氣空。身在計庭歸未得，每將秋思入圖中。

和公儀飲茶

欽定四庫全書

韓愈集卷二

七

北焙和香飲最真，綠芽未雨帶旗新。煎須卧石無塵客，摘是臨溪欲曉人。雲疊亂花爭一水，閨中開茶亭一水鳳團雙影貢先春。清風未到蓬萊路，且把吟甌伴醉巾。

和景彝對花

林梢拂曉禽初啼，門外經春柳自搖。可嘆流年催白髮，更將幽意屬芳條。玉盃放酒成蕭索，錦帳留燈照寂寥。任是名園更風雨，殘枝須插醉明朝。

送汪叔志赴平江州同知

叔志連登桂苑展驥已陵良初欣忭願我

華清鍾相望雲泥不能無離索之感因成俚句
以寫別懷庶幾無忘角弓之意云爾戊午良月
沉中

鵲袍纔卸便牙緋笑我山中菱製衣姓字兩回香桂籍
聲華一日動天扉政有霜鬢須別駕待呼巴菊壽慈闈
千古岳陽登覽地好詩相寄莫相違

送人赴三衢

三衢城在水雲間游倦紅塵出帝關春摘茗芽懷舊苑
畫翻棋劫望前山官資尚薄人應嘆風景全清我自閒

欽定四庫全書

華陽集
卷二

况是君家辭氣盛仙瀛應待濯纓還

再召至龍圖閣觀書

君王又詔蓬萊宴三閣崔嵬壓海蒼翠玉裝與容扈蹕
黃金塗紙看揮毫堯文自與星辰爛漢殿常依日月高
四十年來無此會恩深不覺醉仙醪

被詔考制科呈胡武平內翰三首

奉詔金門草聖題平明趨過殿西墀宮牀賜筆宣名早
諸案焚香上策時朝論只應收峻傑皇心非不監安危

玉堂詞客承恩久幾度曾來醉御苑

禁中屢頒醉
醴街飲幾醉

清曉華芝度景陽凝嚴又許對西廂通賓客夢聞鈞吹
幾日朝衣帶御香東觀圖書經屢讀舊溪桃李見新芳
三千文字皆奇冊飽死侏儒詎足量

忝班清禁接嚴徐詔侍延英訪對初滄海烟霞連太液
丹霄日月近雕輿明廷已奏安危策紫府誰將姓字書
從此青雲知有路致君材業不應疎

胡則大學士滿秩趨京賦詩為贈

欽定四庫全書

華陽集
卷二

九

一室蕭然數卷書三年冷掾出無驢每因芳草憂羈鴟
苦詠場苗羨白駒俗吏何嘗知大體清朝方急用真儒
燕臺從去流聲實見說諸公誦子虛

舟行述懷寄公儀

昔陪畫省對春非今日逢春未得歸灼灼海棠誰復折
差差燕子又還飛清尊須惜良辰共白髮俄驚萬事非
昨夜淮山好風月為君終夕促瑤徽

又寄公儀四首